

ԽԱՐԲԵՐԴԻ «ՎԻՇԱՊԱՅԻՆ ՔԱՐԸ»
ԵՎ ԴՐԱ ՄՇԱԿՈՒԹԱՌԱՌԱՍՊԵԼԱԲԱՆԱԿԱՆ ՀԱՄԱՏԵՔՍՏԸ*

ԱՐՄԵՆ ԲՈՔՈՒՅԱՆ, ՍԱԱԿ ՏԱՐՈՆՑԻ, ՏՈՐՔ ԴԱԼԱԼՅԱՆ

Բանալի բառեր՝ Հայկական Լեռնաշխարհ, Ծովք, Խարբերդ, վիշապ, քարացման առասպելություն:

Նախաբան


Մշակութաբանական ուսումնասիրությունները վաղուց ի վեր ցույց են տվել, որ որոշակի տարածաշրջանի բնորոշ ավանդական պատկերացումները՝ կապված դրա աշխարհագրական տեղանքի (ռելիեֆ), բնական պաշարների, բուսական և կենդանական աշխարհների հետ, բավական կայուն են ու հարատևում են անգամ տվյալ տարածաշրջանի կրոնական, լեզվական և էթնիկ պատկերների փոփոխության պարագայում: Սա խոսում է հօգուտ այն մոտեցման, որ անդրազգային տեղական պատմությունները (նարատիվներ) հաճախ ունենում են խոր արմատներ և չեն ենթարկվում նոր լեզվական կամ աշխարհայացքային արմատական ազդեցությունների, այլ պարզապես «կոսմետիկ» ձևափոխություններ են կրում «հարմարվելով» նոր պայմաններին: Տվյալ դեպքում ուսումնասիրել ենք բնական մի ժայռաբեկոր, որի շուրջ Հյուսիսային առասպելական պատկերացումները լավագույնս երևան են հանում պատմամշակութային տարբեր շերտերի այս ժառանգականությունն ու հարատևությունը: Նշված ժայռաբեկորը կամ ապարային գոյացությունը գտնվում է Արածանի (Արևելյան Եփրատ) գետի ստորին հոսանքի ձախ կողմում՝ ժամանակակից Թուրքիայի Էլազըղ (պատմական Մեղրե) քաղաքի Հարվութ արվարձանում, որը պատմական Խարբերդ քաղաքն է՝ երբեմնի Մեծ Հայքի Ծովք նահանգում: Նորահայտ այս հուշարձանն ու դրան առնչվող զրույցներն առաջին անգամ են դրվում գիտական շրջանառության մեջ՝ Հայկական մշակութային ժառանգության համատեքստում:

Տեղագրությունն ու ավանդազրույցները

Հարվութից Էլազըղ տանող ճանապարհին՝ Խարբերդի պատմական թաղամասից 2 կմ դեպի արևելք, Գյուլու կոչվող խաղողի այգիների ճանապարհի եզրին, աղբյուրներով հարուստ տեղանքում հայտնի է բնական հսկա մի ժայ-

* Ներկայացվել է 15. VIII. 2023 թ., գրախոսվել է 07. IX. 2023 թ., ընդունվել է տպագրության 29. XI. 2023 թ.: Հոդվածը գրվել է ՀՀ ԿԳՄՄՆ գիտության կոմիտեի տրամադրած ֆինանսական աջակցությամբ՝ 21AG-6A080 ծածկագրով գիտական թեմայի շրջանակում: Շնորհակալություն ենք հայտնում արևելագետ, պ. գ. դ. Երվանդ Գրեկյանին և ազգագրագետ Ռաֆիկ Գաբրիելյանին՝ օգտակար գրականություն տրամադրելու համար:

ռաբեկոր՝ գլխամասն ու միջնամասն օղում վեր զցված, ասես նայում է Խարբերդին (նկ. 1–4): Կիսով չափ հողում թաղված ժայռը հիշեցնում է ձուկ կամ օձ, որոնց կողմնային երկու փոքր ելուստները կարծես նրանց ձագերը լինեն: Տեղացի տարեցներն այս ժայռն անվանում են թուրքերեն «ejderha taşı»՝ «վիշապային քար»:



Նկ. 1–4. Խարբերդի «վիշապային քարը». ցուցանակները և պահպանական գոտին:

2018 թ. էլազըղի քաղաքապետարանը, հանրահռչակման նպատակով, հողից մաքրել և պահպանական գոտի է դարձրել հրային ապար / լավային հոսք ներկայացնող ժայռը՝ իր 520 մ² մակերես գրավող միջավայրով: Տեղադրվել են ցուցանակներ (նկ. 1–2), որոնցում քաղաքապետարանը նշում է համալիրն արտացոլում է Խարբերդի բանավոր մշակութային հարուստ ժառանգությունը: Մի շարք հայտնի լրատվամիջոցներ («Hürriyet», «Milliyet», «Anadolu Ajansı», «Habertürk», «Kulturportal.gov.tr» և այլն) անդրադարձ են

կատարել այս բնական համայնի՝ չեղելով զբոսաշրջության զարգացման համար դրա կարևորությունը՝ «Վիշապային քար» արտացոլվել է նաև գիտական² և գեղարվեստական գրականության մեջ. դրա մոտիվներով մանկական գեղարվեստական գիրք է գրվել³:

Նոր ժամանակներում տեղացիները նշված բնական հուշարձանի մասին պատմել են երկու ավանդազրույց, որոնց բովանդակությունը հայտնի է թուրքական պաշտոնական և տեղական մամուլից (“Milliyet”, “Habertürk”, “Harput.web.tr”), սակայն դրանց սկզբնաղբյուրը (գրանցման վայր ու ժամանակ, բանասաց և բանահավաք), ցավոք, չեն հիշատակվում: Առաջին ավանդազրույցի համաձայն՝ շատ ժամանակներ առաջ այն եղել է դիվային վիշապ: Իր ձագերի հետ նա հաճախ այցելել է խոտերով /կույ տալով մարդկանց: Սարսափած բնակիչները դիմում են իմաստուն ու մաքրասիրտ Ֆեթհի Ահմեթ Բաբային և աղաչում, որպեսզի նա, Աստծուն ուղղված աղոթքների միջոցով, իրենց փրկի վիշապից: Ֆեթհի Ահմեթ Բաբան օրեր շարունակ, ձեռքերը դեմքին հպելով, աղոթում է՝ ասելով. «Ով Տեր, քարկոծի՛ր այս վիշապին, որպեսզի մարդիկ կարողանան ապրել»: Աստված ընդունում է սուրբ մարդու աղոթքը և վիշապին ու իր ձագերին քարացնում է խոտերով մոտ: Ժողովուրդը հավատում է, որ քիչ հեռու գտնվող և մատուռի վերածված սրբի գերեզմանը հրաշքներ է գործում մինչ օրս⁴:

Երկրորդ ավանդազրույցի համաձայն՝ հղի մի կին գնում է աղբյուր՝ ջրի, և հանկարծ հանդիպում է վիշապին: Վերջինիս տեսնելով կինն ասում է. «Աստված, վերցրու իմ արյունը կամ քարացրու վիշապին», որից հետո վիշապը քարանում է⁵:

«Վիշապային քար» մշակութաբանական համատեքստը

Հանձին խոտերով «վիշապային քար» գործ ունենք բնական ժայռաբեկորի լավային գոյացության հետ, որի հատվածները նման են ձկան կամ օձի, կողային և վերին մասերում կարող են մասամբ մշակված լինել, ունենալ փորվածքներ / առվակներ, սակայն, ընդհանուր առմամբ, խոսքը բնական քարի մասին է⁶: Այս իմաստով քննարկվող օբյեկտն առավելապես բնական հուշար-

¹ Համացանցային աղբյուր 1–11:

² Kardaş. 2019, 205.

³ Kabaklı. 2022.

⁴ Համացանցային աղբյուր 1, 5, 8, 9:

⁵ Համացանցային աղբյուր 11: Սրան բովանդակությամբ մոտ է մեկ այլ ավանդազրույց, ըստ որի խոտերով մի վիշապ է ապրել, որն ամեն տարի խոտերով մի աղջկա է տարել՝ մարդկանց ջուր տալու փոխարեն: Երբ հերթը հասնում է խոտերով իշխանի երիտասարդ աղջկան, վերջինս, չցանկանալով զոհաբերվել վիշապին, աղոթում է Աստծուն. «Աստված իմ, քարացրու վիշապին՝ նրան ինձանով կերակրելու փոխարեն»: Աստված ընդունում է աղջկա աղոթքը և վիշապին վերածում քարերի սև կույտի: Այսօր խոտերով Բուզլուկ քարանձավ գնացողները կարող են տեսնել քարացած վիշապին (տե՛ս Kardaş. 2019, 208):

⁶ Որոշ հեղինակներ բնական վիշապանման քարերը խառնում են «վիշապաքար» կոչվող մեգալիթյան կոթողների հետ (տե՛ս Գ ա ն ձ ա կ ե ց ի. 1982, 61-րդ ծանոթ., Ե գ ա ն յ ա ն. 2011, 34–39): Իրականում, որպես հուշարձաններ, դրանք

ձան է, որը նմանեցվելով առասպելական ամորֆ կամ պոլիմորֆ կենդանու՝ համապատասխանաբար նույնականացվել է բանավոր ավանդության և օնոմաստիկոնի մեջ: Նման բնական հուշարձանի ուղղակի գուգահեռներն են՝ ներկայիս ՀՀ տարածքում գտնվող Արդվի (Լոռու մարզ)⁷ և Մեծ Սեպասար (Շիրակի մարզ)⁸ գյուղերի «վիշապաձև» ժայռերը, որոնց մասին ևս նմանատիպ ավանդազրույցներ են պատմվում: Սակայն, ի տարբերություն վերջինների, որոնք ժայռային գոյացություններ են ապառաժի ուղղահայաց մակերեսին, Խարբերողի օրինակը հորիզոնական մակերեսի վրա է:

Եթե փորձենք վերլուծել հիշյալ ավանդազրույցներում արտահայտված «քար – վիշապ – խժուռ / գոհաբերում – միջնորդող սուրբ – քարացում – աղբյուր / ջուր – աղջիկ / հարս / հղի կին – սրբի հրաշք պարգևող գերեզման / քարանձավ» իմաստաբանական բուլլը, ապա ակնհայտ է՝ գործ ունենք քարացման առասպելության հետ, որը քաջ հայտնի է հայ բանահյուսության մեջ: Մասնավորապես, հայոց ավանդազրույցներում վիշապներին քարացնում են Սբ. Բարդուղիմեոսը, Սբ. Հովհանն Օձնեցին և այլ սրբեր կամ սրբակենցաղ անձինք: Ընդ որում, քարացումը ծառայում է որպես կարևոր հիշատակ տեղի ունեցած հրաշալի իրադարձության: Վիշապ քարացնողների սրբավայր դարձած գերեզմանները կամ կից մատուռները հրաշքներ են գործում մինչ օրս՝

Հարկ է նշել, որ Խարբերողի մուսուլմանների մեջ կենցաղավարող ավանդազրույցներում ոչ թե բովանդակային, այլ մասնակի դրվագային տարբերություններ կան հայկական նյութի համեմատ: Այսպես, եթե հայկական ավանդազրույցներում հարսն է քարանում փրկվելով վիշապից¹⁰, ապա այստեղ հարսը միջնորդում է, որ քարանա վիշապը: Ինչ վերաբերում է սրբի կերպարին, ապա Խարբերողի տարբերակում քրիստոնեական սուրբը փոխակերպվում է սուֆիական սրբի: Տարբեր ժողովրդական պատումներում հանդիպող Ֆեթհի Ահմեթ Բաբան պատմականորեն փաստված անձ է, որը ծնվել է աֆղանական Բալխ քաղաքում XIII դ. կեսերին և եղել է սուֆիական մտածող Ալի Ռամիթանիի

իրար հետ կապ հունեն. վիշապաքարերը ոչ թե բնական ժայռակերպեր են, այլ մարդու կողմից կերտված կլոր քանդակներ (ուշագրավ է, որ Վարդան Արևելցին Սբ. Հովհաննես Օձնեցու՝ վիշապներին քարացնելու պատմության մեջ «քարացնել» բառի փոխարեն օգտագործում է «արձանացուցանել» բառը, որը գրաբարում նշանակել է հենց «քարացնել»։ Արևելցի. 2000, 360–361)։ Այսուհանդերձ, ժողովրդական ստուգաբանությունը երկու տարբեր հուշարձանները կարող էր միացնել իրար՝ տալով դրանց ձևնաօժային հատկանիշներ և առնչելով հսկայի, տարերային վիշապի կամ ջրի հետ։ Սույն հոդվածում Խարբերողի բնական հուշարձանն անվանում ենք «վիշապային քար»՝ թարգմանելով այն թուրքերենից։ Նշենք, որ Արդվի քարը հայտնի է «օձի պորտ» անվամբ (Լալաջան. 2004, 203), սակայն հնագույն հիշատակումը «վիշապի պորտ» ձևով է (Գանձակեցի. 1982, 61)։

⁷ Լալաջան. 2004, 203:

⁸ Եգանյան. 2011:

⁹ Симоныан. 2015, 362–372; Սիմոնյան. 2019, 412–425: Ներկայիս Թուրքիայի տարածքում տարածված քարացման առասպելների մասին հմմտ. Огуз, Ersoy. 2007: Արևմտյան Հայաստանի շրջանների վերաբերյալ տե՛ս էջ 130–135:

¹⁰ Հմմտ. Բոբոխյան. 2021, 20–35:

գաղափարների հետևորդ: 1335 թ. իլխանական բանակի հետ հասել է խարբերդ և քաղաքը գրավելու ընթացքում զոհվել: Նրա գերեզման-սրբավայրը գտնվում է խարբերդից 1,5 կմ հեռավորության վրա¹¹:

«Վիշապային քարի» առասպելաբանական համատեքստը

Տարբեր ժողովուրդների դիցաբանություններում վիշապը, թերևս, «ստորին առասպելաբանությունը» ներկայացնող էակներից ամենատարածված կերպարն է: Սյուժեների բազմազանությամբ և տարաբնույթ նկարագրություններով հանդերձ վիշապային կերպարներն ամբողջ աշխարհում բնութագրվում են մեծաթիվ միանման հատկանիշներով: Նրանք ամենուր հանդես են գալիս որպես օդերևութաբանական (պտտահողմ, հրացուլք, ամպրոպ, փոթորիկ և այլն) ու բնական այլ գործընթացների (հրաբուխ, երկրաշարժ, լուսատուների խավարում և այլն) մարմնավորումներ, ուստի և ի սկզբանե պատկերանում են որպես որոշակի կայուն ձև չունեցող, բազմաձև ու բազմակերպարանք արարածներ, որոնց հիմնական գործառույթն ավերիչ տարերքն է, ինչն էլ, ամենայն հավանականությամբ, արտացոլված է վիշապ բառի ստուգաբանության մեջ¹²:

Զոոմորֆ պատկերագրության դարաշրջանում վիշապները սկսում են ներկայացվել իբրև սողունի կամ երկկենցաղի և այլ կենդանիների մարմնի մասերի համադրություններ: Հենց սողունն ու երկկենցաղը տրամաբանորեն պայմանավորում են վիշապների առնչությունը ստորերկրային, և, հետևաբար, տարբեր ժողովուրդների պատկերացումներում վիշապներն անմիջականորեն առնչվում են պտղաբերության ու ջրի պաշտամունքին՝ խորհրդանշելով իգականություն: Նախնական բոլոր պատկերացումներում, ըստ երևույթին, վիշապների բնակատեղին ջուրն է՝ ծովը կամ լիճը, որտեղից նրանք կարող են տեղափոխվել այլ վայրեր, աստիճանաբար բարձրանալ երկինք: Սակայն այստեղից էլ նրանք սպառնում են մարդկանց, ինչպես երևում է, օրինակ, մի ավանդազրույցում, որը 1965 թ. Գառնի գյուղից ծագումով մակվեցի բանասացը պատմել է հնագետ Գրիգոր Կարախանյանին. «էստեղ չորսը խառ վիշապի քար կա՝ զնջներ վրեն քցուկ: Ոնց որ օձը գա պառկի: Մեծերն ասում ին՝ վիշապ էրկնքից իչե, որ ժողովուրթը վերչացնե, ըդրա խամար աստվածությունը ըդրանց դարցրեր ա քար»¹³: Հետաքրքրական է՝ զրույցում խոսքը չորս վիշապաբար կոթողների մասին է, որոնք հայտնաբերվել են Գեղամա լեռների ստորոտում՝ Աժդահա-յուրտ կոչվող արոտավայրում: Նշված ավանդազրույցը, կարծես, խարբերդում գրանցված առաջին զրույցի համառոտված տարբերակը լինի:

Նման մեկ այլ ավանդազրույց էլ գրանցվել է Սյունիքում՝ Սև լճի առնչությամբ. այստեղ երկնքից իջած վիշապը խմել է լճի կեսը, սակայն Աստծո հրամանով սարերը խոյացել են վեր լճի մնացած կեսը հասցնելով մինչև երկինք, իսկ վիշապը, մնալով ներքևում, ցամաքել, ճաքճքել և ցրիվ է եկել¹⁴: 1956 թ. Արենի գյուղում բանագետ Սարգիս Հարությունյանի գրանցած ավանդազրույցում Աստծուն փոխարինում է քահանան, որը սարի գագաթին կանգնած

¹¹ Özbolat. 2013, 78.

¹² Տե՛ս Դ ա լ ա յ ա ն. 2019:

¹³ Ղ ա ն ա լ ա ն յ ա ն. 1969, 60, № 161:

¹⁴ Ղ ա ն ա լ ա ն յ ա ն. 1969, 79, № 214ա:

աղոթքով քարացնում է վիշապին. վերջինս պատրաստվում էր կուլ տալ տեր-հոր աղջկան¹⁵: Խարբերդից հյուսիս-արևելք՝ Արածանիի աջ վտակ Քլիի արևելյան կողմում է գտնվել Աժդահա քարաժայռը, որի անունը, ըստ ավանդազրույցի, առաջացել է քարացած վիշապի մասին պատկերացումից. վերջինս ցանկանում էր խժուել ոչխարների հոտը, սակայն հովվի աղերսագին խնդրանքը լսելով՝ հոտի պահապան փիրը (սուրբը) քարացնում է վիշապին¹⁶:

Ըստ Արցախում պահպանված մի ավանդազրույցի՝ ժամանակին մի վիշապ, Քափաս լեռան վրայից վերցնելով հսկայական մի քարաժայռ, ցանկանում էր կործանել Գետաշեն գյուղը, սակայն Աստված քարկանալով տեղնուտեղը ապառաժը չալակին քար է դարձնում վիշապին¹⁷: Նույն ավանդազրույցի մեկ այլ տարբերակում՝ վիշապը ցանկանում էր կնուծյան առնել գետաշենցի մի աղջկա, սակայն ամպրոպային հերոս Պանտը նիզակահարում է վիշապին՝ նրան բևեռելով այն ժայռին, որը նա չալակած տանում էր¹⁸: Արդվիի ավանդազրույցում էլ Հովհան Օձնեցին է քարացնում երկու վիշապօձերին, ընդ որում նրանց պորտից աղբյուր է բխում¹⁹:

Խարբերդի հովտի պատմամշակութային նշանակությունը

Վերջին ուսումնասիրությունները ցույց են տալիս, որ աշխարհագրական և կլիմայական նույնական պայմաններով բնորոշվող Հայկական լեռնաշխարհի տարբեր շրջանները, առնվազն նոր քարի դարից սկսած, սերտ առնչությունների մեջ են գտնվել՝ ունենալով համանման արժեհամակարգ և լինելով համապարփակ հաղորդակցական համակարգի մասնիկ: Այդ տարածքներում գոյություն ունեցած տարբեր տեղային մշակութային խմբերն իրենց բնորոշ հատկանիշներով (խեցեղեն, կացարանների ձևեր, կենսակերպ, աշխարհայացքի տարրեր և այլն) այդ արժեհամակարգի արտահայտության ձևերն են:

Լեռնաշխարհի ներսում, սակայն, կարելի է առանձնացնել երեք հիմնական պատմամշակութային ենթազոտի. 1. արևմտյան, որ ներառել է Վերին Եփրատի ավազանը (պատմական Մոփե և Փոքր Հայք նահանգները), որին բնորոշ են եղել աշխույժ առնչություններ դեպի կենտրոնական Փոքր Ասիա ու հյուսիսային Սիրիա, 2. հարավային, որ ներառել է Վանից հարավ ընկած շրջանները (Աղձնիք և Կորդուք նահանգները), որին բնորոշ են եղել կապեր հյուսիսային Սիրիայի ու Միջագետքի ուղղությամբ, և 3. կենտրոնական-հյուսիս-արևելյան (Այրարատ, Բարձր Հայք, Վասպուրական, Մոկք, Տուրուբերան, Տայք, Սյունիք, Ուտիք, Գուգարք, Արցախ, Փայտակարան, Պարսկահայք նահանգները), որին բնորոշ են եղել կապեր կովկասյան ուղղությամբ: Խարբերդի «ոսկեղենիկ» հովիտն եղել է առաջին գոտու առանցքային շրջանը²⁰:

Ազգագրական և բանահյուսական տվյալները նույնպես խոսում են այս երեք ենթազոտիների արժեհամակարգի ընդհանրության և փոխկապակցվածության մասին: Դա արտահայտվում է, առաջին հերթին, աշխարհայացքային

¹⁵ Ղ ա ն ա լ ա ն յ ա ն. 1969, 52–53, № 136:

¹⁶ Հ ա լ ա ջ յ ա ն. 1960, 1249:

¹⁷ Ղ ա ն ա լ ա ն յ ա ն. 1969, 59, № 158:

¹⁸ Լ ա լ ա յ ա ն. 1988, 434–435:

¹⁹ Ղ ա ն ա լ ա ն յ ա ն. 1969, 62–63, № 168ա–բ:

²⁰ Տե՛ս Bobokhyan. 2008.

իմաստաբանական բույլերի և կայուն բանաձևերի ընդհանրությունը²¹։ Հիշյալ ընդհանրության արտահայտչաձևերից մեկն է՝ վիշապի կերպարը, որն առկա է բոլոր երեք ենթագոտիներում՝ ավանդադրույցների, պատկերազրույցի և զարդաձևերի, բնական կամ մարդաստեղծ հուշարձանների ձևով։

Եզրակացություն

Խարբերդի հովտի «վիշապային քարը» բնական հուշարձան է, որն իր արտաքին տեսքի պատճառով տեղադրվել է հնագույն մի առասպելության կադրավորում և նույնականացվել որոշակի բանավոր հիշողության հետ։ Նման հուշարձանի ուղղակի գուգահեռներից են ներկայիս Հայաստանում գտնվող Արդվիի և Մեծ Սեպասարի համանման քարերը։

Վերլուծելով Խարբերդի «վիշապային քարի» ավանդադրույցներում արտահայտված «քար – վիշապ – խժուռ / զոհաբերում – միջնորդող սուրբ – քարացում – աղբյուր / ջուր – աղջիկ / հարս / հղի կին – սրբի հրաշք պարգևող գերեզման / քարանձավ» իմաստաբանական բույլը՝ ակնհայտ է դառնում, որ գործ ունենք հայոց բանահյուսության մեջ քաջ հայտնի վիշապի քարացման առասպելության հետ։ Ընդ որում, վերահիշյալ ավանդադրույցներում առկա կերպարները պահպանել են իրենց բնորոշ արխայիկ տարրերը, թեև ներկայումս Խարբերդում և չրջակայքում ապրող մուսուլման բնակչության կողմից ենթարկվել են ձևական (ոչ բովանդակային) տրանսֆորմացիայի։ Այդ գրույցների և, ընդհանրապես, վիշապի կերպարի սկզբնաղբյուրը կարող էին լինել հայ-մուսուլմանական չփոխանցվող Խարբերդի չրջանում մինչ Հայոց ցեղասպանությունը կամ Խարբերդի ներկայիս (կրոնափոխ) բնակչության մեջ պահպանված հայկական ենթաշերտը²²։

Եթե հաշվի չառնենք V դարում Մովսես Խորենացու հաղորդած ավանդադրույցը վիշապային Շամիրամի քարացման մասին (Ա. ԺԸ), ապա հայկական աղբյուրներում վիշապի քարացման դրվագն առաջին անգամ հիշատակվում է XIII դ. Սբ. Հովհան Օձնեցու համատեքստում (Կիրակոս Գանձակեցի, Վարդան Արևելցի)։ Ուշագրավ է, որ Խարբերդի մուսուլմանների մեջ պահպանված ավանդադրույցում վիշապի քարացումը վերագրվում է նույն դարում ապրած սուֆի Ֆեթհի Ահմեթ Բաբային։ Ի՞նչ է այստեղ կատարվել։ Արդյո՞ք Օձնեցու կերպարն է փոխվել, թե՞ ուղղակի գործ ունենք արքեպիսկոպիս համընկնություն հետ։

Այս հարցի պատասխանը դժվար թե երբեք իմանանք։ Սակայն մի բան է ակնհայտ. վիշապի մասին պատկերացումների առկայությունը Խարբերդի

²¹ Խարբերդի չրջանի համար, որպես հայկական ստուգաբանական-բացատրական ավանդադրույցների տարածման մի մասնիկի, հատկապես՝ քարացման առասպելության համատեքստում, համտ. Խր ա յ ե ա ն. 1927, 34, 52, Պ ա ռ ս ա մ ե ա ն. 1967, 23–26, Ղ ա ն ա լ ա ն յ ա ն. 1969, 29, 75, 79–80, Գ է ո Ր գ ե ա ն. 1970, 456, 457–460, Մ ի ն ա ս ե ա ն. 1974, 595–596։

²² Ներկայիս Թուրքիայի տարածքում վիշապային բնույթի ավանդադրույցները կենտրոնացած են գլխավորապես Արևմտյան Հայաստանում (Դիարբեքիր, Հարփուրթ, Էրզրում, Բալեուրթ, Սիվաս, Արդվին. տե՛ս Aslan. 2013, 35–39, 41, 43) և իրենց բովանդակությամբ ակնհայտ առնչություններ են ցույց տալիս հայկական ավանդադրույցներին (վիշապամարտ, քարացում, կապ լեռների, ջրերի, սրբերի հետ և այլն)։

Հովտում և դրանց արխաիկ ենթաշերտը խոսում են քննարկվող տարածաշրջանի բնակչության՝ Հայկական լեռնաշխարհի այլ ենթագոտիների պատմամշակութային զարգացումներում սերտաճած լինելու մասին: Բոլոր նշված ավանդազրույցներում սրբերը փոխարինում են Հայոց հին հեթանոսական կրոնում հայտնի վիշապամարտիկ աստվածությունները, վիշապի պարտությունն էլ կապվում է արգասաբեր ջրերի ազատմանն ու աղբյուրի բխմանը: Մի այլուժե, որն իր արմատներով գնալով հնագույն Հայաստան և, մասնավորապես, հնագույն Իսուվա-Ծոփք²³, դարերի ընթացքում ձևափոխվելով ու վերիմաստավորվելով հասել է մեր օրերը:

Արսեն Բոբոխյան – պ. գ. թ., ՀՀ ԳԱԱ հնագիտության և ազգագրության ինստիտուտի տնօրեն: Գիտական հետաքրքրությունները՝ Առաջավոր Ասիայի և Հայկական լեռնաշխարհի վաղ հասարակությունների նյութական ու հոգևոր մշակույթ: Հեղինակ է 1 մենագրության և ավելի քան 100 հոդվածի: arsen.bobokhyan@sci.am

Սասկ Տարոնցի – ԵՊՀ պատմության ֆակուլտետի հնագիտության և ազգագրության ամբիոնի ասպիրանտ: Գիտական հետաքրքրությունները՝ ուրարտական քաղաքակրթություն, բրոնզե դոտիններ, առասպելաբանություն: Հեղինակ է 7 հոդվածի: saaktaro@gmail.com

Տորք Դալալյան – բ. գ. թ., ՀՀ ԳԱԱ հնագիտության և ազգագրության ինստիտուտի փոխտնօրեն: Գիտական հետաքրքրությունները՝ հայ բանագիտության և լեզվաբանության խնդիրներ: Հեղինակ է ավելի քան 100 հոդվածի: torqdal@yahoo.com

ԳՐԱԿԱՆՈՒԹՅՈՒՆ

Բոբոխյան Ա. 2021, Կաթար-Վիշապաքար. Երվանդ Լալայանից հարյուր տարի անց. – Հնագիտության և ազգագրության ինստիտուտի աշխատություններ, № 4, Երևան, ՀԱԻ հրատ., էջ 20–35:

Գեորգեան Գ. 1970, Չնգուշապատում, Երուսաղեմ, տպ. Ս. Յակոբեանց, 625 էջ:

Դալալյան Տ. 2019, Վիշապ բառի ստուգաբանությունը. – Վիշապը հեքիաթի և իրականության սահմանին (խմբ. Ա. Բոբոխյան, Ա. Ջիլիբերտ, Պ. Հնիլա), Երևան, ՀԱԻ հրատ., էջ 242–246:

Եգանյան Լ. 2011, Մեծ Սեպասարի վիշապը. – Շիրակի հայագիտական հետազոտությունների կենտրոնի գիտական աշխատություններ, № XIV, էջ 34–39:

Իսրայելյան Հ. Ռ. 1973, Պաշտամունքն ու հավատալիքը ուշ բրոնզեդարյան Հայաստանում, Երևան, ՀՍՍՀ ԳԱ հրատ., 171 էջ:

²³ Խեթական շրջանի Ծոփքի՝ Իսուվայի ջրային, լեռնային, ամպրոպային աստվածությունների և սրբավայրերի մասին տե՛ս Ք ո ս յ ա ն. 2002: Հարակից Ազգիի ձկնակերպ և ցլակերպ, ամպրոպի ու ջրի Դատա աստվածության մասին տե՛ս Ի ս - ը ա յ ե լ յ ա ն. 1973, 98: Քարի և քարացման վերաբերյալ պատկերացումների առանցքային շրջանը առաջավորասիական տարածաշրջանում Հայկական լեռնաշխարհի ու Կովկասի հրաբխային գոտին է, ինչի մասին գրավոր վկայությունները գնում են առնվազն խեթա-խուրիական մշակութային աշխարհ, այն է՝ Ք. ա. II հազ. սկիզբ (Հմմտ. Müller. 1966, 481–515; Haas. 1982, 146–148; Gadjimuradov. 2004, 340–357):

Լալալյան Ե. Ա. 1988, Երկեր, հ. 2, Երևան, ՀՍՍՀ ՊԱ հրատ., 507 էջ:

Լալալյան Ե. Ա. 2004, Երկեր, հ. 3, Երևան, «Գիտություն», 381 էջ:

Խրայեան Կ. 1927, Ծովք - Կէօլճիկ, Մարտէլլ, «Արարա», 303 էջ:

Կիրակոս Գանձակեցի. 1982, Հայոց պատմություն, Թարգմանությունը, առաջաբանը և ծանոթագրությունները Վ. Առաքելյանի, Երևան, «Սովետական գրող», 351 էջ:

Հալաշյան Գ. 1960, Դերսիմի ազգագրական նյութերը, Երևան, ՀՀ ՊԱԱ հնագիտության և ազգագրության ինստիտուտի արխիվ, գործ, 12, 105 թերթ:

Ղանալանյան Ա. 1969, Ավանդապատում, Երևան, ՀՍՍՀ ՊԱ հրատ., 530 էջ:

Սինասեան Պ. 1974, Պատմագիրք Կիրիմի, Պէյրութ, «Սևան», 823 էջ:

Պարսամեան Ս. 1967, Յուշարձան Ջերմուկի, Պոսթըն, տպ. Հայրենիք, 143 էջ:

Սիմոնյան Լ. 2019, Քարացած վիշապները և վիշապասպան սրբերը հայոց մեջ. առասպել և հիշողություն.— Վիշապը հեքիաթի և իրականության սահմանին (խմբ.՝ Ա. Բոբոխյան, Ա. Ջիլիբերտ, Պ. Հնիկյան), Երևան, ՀԱԻ հրատ., էջ 412–425:

Վարդան Արեւելցի. 2000, Ճառք, ներբողեանք, աշխատասիրութեամբ Յ. Քեռսէանի, Երեւան, «Ոսկան Երևանցի», 387 էջ:

Քոսյան Ա. Վ. 2002, Իսուվայի կրոնական կենտրոնները խեթական դարաշրջանում. – «Արևելագիտական ժողովածու», № XXI, Երևան, էջ 315–331:

Симонян Л. 2015, Народный культ Ованнеса Одзунского. – Страны и народы Востока, т. XXXVI. М., «Наука», с. 362–372.

Bobokhyan A. 2008, Kommunikation und Austausch im Hochland zwischen Kaukasus und Taurus, ca. 2500-1500 v. Chr., British Archaeological Reports 1853, Oxford, Hedges, 674 S.

Aslan F. 2013, The Dragon Motif in Anatolian Legends. – “The Journal of International Social Research”, vol. 7, issue 29, pp. 30–46.

Gadjimuradov I. 2004, Die vulkanische Urheimat der altanatolischen Sukzessions- und Steingeburtsmythen. – “Altorientalische Forschungen” (Berlin), № 31/2, S. 340–357.

Haas V. 1982, Hethitische Berggötter und hurritische Steindämonen, Mainz am Rhein, Philipp von Zabern, 258 S.

Kabaklı A. 2022, Ejderha Taşı, Türk Edebiyatı Vakfı Yayınları, İstanbul, 80 s.

Kardaş C. 2019, Dragon Patterned Legend Samples in Two Cultures: Dragon Stone and Dragon of Krakow. – “Acta Turcica” (Special Issue), pp. 201–208.

Müller K. E. 1966, Zur Problematik der kaukasischen Steingeburt-Mythen. – “Anthropos”, № 61, S. 481–515.

Oğuz M. Ö., Ersoy P. 2007, Yaşayan Taş Kesilme Efsaneleri: Mekânlar ve Anlatılar, Ankara, Gazi Üniversitesi THBMER Yayını, 207 s.

Özbolet A. 2013, Ziyaret Fenomeninden İsim Kültürüne: Fatih Ahmet Baba Türbesi Örneği. – “Türk Kültürü ve Hacı Bektaş Velî Araştırma Dergisi” (Ankara), № 67, s. 71–88.

Համացանցային աղբյուր 1 – <https://www.aa.com.tr/tr/kultur-sanat/efsanevi-ejderha-tasi-gun-yuzune-cikarildi/1309783> (ներբեռնված՝ 07. 06. 2023):

Համացանցային աղբյուր 2 – <https://www.birgun.net/haber/ejderha-tasi-nda-kazi-yapan-3-kisi-gozaltina-alindi-253327> (ներբեռնված՝ 07. 06. 2023):

Համացանցային աղբյուր 3 – <https://www.cnnturk.com/turkiye/elazigda-ejderha-tasi-operasyonu> (ներբեռնված՝ 07. 06. 2023):

Համացանցային աղբյուր 4 – <https://www.haberelazig.com/haber-efsanelere-konu-olan-ejderha-tasi-ortaya-cikarildi-19142.html> (ներբեռնված՝ 07. 06. 2023):

Համացանցային աղբյուր 5 – <https://www.haberturk.com/elazig-haberleri/64665205-efsanelere-konu-olan-ejderha-tasi-ortaya-cikarildi> (ներբերնված 07. 06. 2023):

Համացանցային աղբյուր 6 – <https://www.hurriyet.com.tr/gundem/elazigda-ejderha-tasina-operasyon-sucustu-yakalandilar-41186451> (ներբերնված 07. 06. 2023):

Համացանցային աղբյուր 7 – <https://www.kulturportali.gov.tr/turkiye/elazig/kulturatlasi/ejderha-tasi-efsanesi> (ներբերնված 07. 06. 2023):

Համացանցային աղբյուր 8 – <https://www.milliyet.com.tr/yerel-haberler/elazig/efsanelere-konu-olan-ejderha-tasi-ortaya-cikarildi-13151943> (ներբերնված 07. 06. 2023):

Համացանցային աղբյուր 9 – <https://www.mynet.com/efsanelere-konu-olan-ejderha-tasi-elazig-da-bulundu-110104532902> (ներբերնված 07. 06. 2023):

Համացանցային աղբյուր 10 – https://www.yeniasya.com.tr/yurt-haber/ejderha-tasinda-da-define-aramislar_491304 (ներբերնված 07. 06. 2023):

Համացանցային աղբյուր 11 – <https://harput.web.tr/harputun-tarihi-eserleri/harputtakidiger-tarihi-eserler/ejderha-tasi/> (ներբերնված 07. 06. 2023):

«ДРАКОНИЙ КАМЕНЬ» ХАРБЕРДА И ЕГО КУЛЬТУРНО-МИФОЛОГИЧЕСКИЙ КОНТЕКСТ

АРСЕН БОБОХЯН, СААК ТАРОНЦИ, ТОРК ДАЛАЛЯН

Резюме

Ключевые слова: Армянское нагорье, Софене, Харберд, дракон, миф об окаменении.

На дороге из Харпута в Элязыг современной Турции, в 2 км к востоку от исторического района Харберд Западной Армении, на краю дороги, ведущей к винограднику Гёлу, в местности, богатой родниками, находится гигантский природный валун. Эта раскидистая скала, наполовину погруженная в землю, напоминает змеевидную скульптуру мифического колоссального животного с двумя идентичными выступами меньшего размера по обе стороны. Местные пожилые жители называют это скальное образование по-турецки “ejderha taşı”, что означает «драконий камень».

Анализируя семантический кластер «камень – дракон – пожирание / жертвоприношение – святой посредник – окаменение – источник – вода – девочка / невеста / беременная женщина – чудотворная могила святого / пещера», выраженный в легендах о «драконьем камне» Харберда, становится очевидным, что имеем дело с хорошо известным в армянском фольклоре мифом об окаменении дракона. В то же время, персонажи, присутствующие в упомянутых традициях, сохранили свои типичные архаичные элементы, хотя и претерпели формальную (но не содержательную) трансформацию со стороны мусульманского населения, проживающего в Харберде и его окрестностях. Источником этих мифов и вообще образа дракона могли быть армяно-мусульманские контакты в Харбердской области до Гено-

цида армян или субстрат армянской памяти, сохранившийся в нынешнем (обращенном в мусульманство) населении Харберда.

Наличие образа дракона в Харбердской долине и его архаичный субстрат свидетельствует о том, что население этого региона было существенно интегрировано в общих историко-культурных процессах Армянского нагорья.

Արսեն Բոբոխյան – կ. ի. ն., директор Института археологии и этнографии НАН РА. Научные интересы: материальная и духовная культура ранних обществ Передней Азии и Армянского нагорья. Автор 1 монографии и более 100 статей. arsen.bobokhyan@sci.am

Տաակ Թարոնցի – аспирант кафедры археологии и этнографии исторического факультета ЕГУ. Научные интересы: урартская цивилизация, бронзовые пояса, мифология. Автор 7 статей. saaktaro@gmail.com

Թորք Դալալյան – կ. փիլոլ. ն., заместитель директора Института археологии и этнографии НАН РА. Научные интересы: вопросы армянской фольклористики и языкознания. Автор более чем 100 статей. torqdal@yahoo.com

“DRAGON STONE” OF KHARBERD AND ITS CULTURAL AND MYTHOLOGICAL CONTEXT

ARSEN BOBOKHYAN, SAHAK TARONTSI, TORK DALALYAN

Summary

Keywords: Armenian Highland, Sophene, Kharberd, dragon, myth of petrification.

On the way from Harputa to Eliazig, two km east to the historical district of Kharberd in Western Armenia, a giant natural boulder is located on the edge of the road leading to the vineyard Gyolu, in the area rich in springs. This sprawling rock, half buried in the ground, resembles a serpentine sculpture of a mythical colossal animal with two identical smaller protrusions on both sides. Elderly locals call this rock formation in Turkish “ejderha taşı” which means “dragon stone”.

Analyzing the semantic cluster “stone - dragon – devouring / sacrifice – holy - petrification - source - water – girl / bride / pregnant woman – saint’s miraculous grave/cave” expressed in the legends of the “dragon stone” of Kharberd, it becomes obvious that we are dealing with the myth of dragon petrification, which is well known in Armenian folklore. At the same time, the characters present in those traditions preserved their typical archaic elements, although they underwent a formal (however not substantive) transformation by the Muslim population living in Kharberd and its environs. The source of these

myths and the image of the dragon in general could be the Armenian-Muslim contacts in the Kharberd region before the Armenian Genocide, or the substratum of Armenian memory preserved in the current (converted) population of Kharberd.

The presence of the dragon image in the Kharberd Valley and its archaic substrate indicates that the population of this region was essentially integrated into the general historical and cultural developments of the Armenian Highlands.

*Arsen Bobokhyan – Candidate of Historical Sciences, Director at the Institute of Archaeology and Ethnography, NAS RA. Scientific interests: material and spiritual culture of the early societies of Western Asia and the Armenian Highlands. Author of 1 monograph and more than 100 articles.
arsen.bobokhyan@sci.am*

*Sahak Tarontsi – Postgraduate student at the Department of Archaeology and Ethnography, Faculty of History, Yerevan State University. Scientific interests: Urartian civilization, bronze belts, mythology. Author of 7 articles.
saaktaro@gmail.com*

*Tork Dalalyan – Candidate of Philological Sciences, Deputy director at the Institute of Archaeology and Ethnography, NAS RA. Scientific interests: issues of Armenian folklore and linguistics. Author of more than 100 articles.
torqdal@yahoo.com*